



1. LAN AGIRIA

**KALITATEA TURISMOAN, KULTUR ESKAINTZA, MERKATARITZA ETA
KIROLA
LAN-TALDEA**

1. LAN AGIRIA

KIROLA

**1. BILERA
2002KO EKAINA**



1. LAN AGIRIA

1. KIROLA

Kirola egitea oso zabaldua dago Donostiako biztanleen artean. Horren adierazgarri da kirol patronatuak banatzen duen kirol-txartela: 38000 harpidedun ditu eta 3 milioi erabilera inguru eskaintzen ditu.

Auzokako kirol-ekipamendu hornidura osoa eta askotarikoa dela esan genezake, eta kalitate handikoa orokorrean, azken urteotan asko hobetu baita; hala, zenbait aldaketa egiteko asmotan dira, egun.


Horrez gain, hiriak ingurune paregabea du kirola bere osoan egiteko (ekipamendu eta instalazioez gain, hiriak berak aukera ematen du senderismorako eta aisiarako, itsasoarekin eta ibaiarekin lotutako kirolekin aritzeko; horrez gain, bidegorriak, kirol terapeutiko eta osasunari dagokiona...) Alegia, hiria bera aisia aktiborako nahiz kirolerako erabiltzeko.

Era berean, kirol profesional jarduera handia eta askotarikoa da; eta hori kirol ez-profesionalari, aisiarako kirolari eta osasunerako kirolari eransten badiogu, kirolerako ohitura garrantzitsua dagoela esan genezake.

Ezagun da jarduera hauek biztanleen bizi-kalitatean eta ongizatean duten eragina; kirol erabiltzaileen kopurua altua gero eta altuagoa izatea da horren lekuko. Halaber, jardueraren eragin ekonomikoa nabarmena da zenbait ezaugarri kontuan hartzen baditugu, hala nola: kirol materiala, instalazioen erabilerragatik kuotak eta gastuak, ikuskizunetarako sarrerak, joan-etorrietako gastuak eta ikuskizunekin eta hiri barneko kontsumoarekin lotura duten gastuak.

Bestalde, aipa daiteke kirolaren eragin ekonomikoa (bere zeharkakotasunetik) nabarmentzen dela sektorekako jarduerari lotzen bagagozkio, alegia:

- Azpiegitura eta kirol guneen eskaintza: ohiko guneak (kiroldegietako pistak, teniskoak, frontoiak, igerilekuak, futbol zelaiak, saskibaloia pistak, frontoiak...) eta gune bereziak (zirkuituak, golf zelaiak,...)



1. LAN AGIRIA

- Kirol zerbitzuen eta ondasunen ekoizpena. Jarduera-talde garrantzitsuenak barne hartzen dituena: kirolerako materiala fabrikatzea, kirolerako materiala merkaturatzea, kirol jarduerak eta kirolarekin lotutako jarduerak kudeatzea.
- Biztanleek kirol zerbitzu eta ondasunak kontsumitzea. Alegia, ondasun aldetik, kirolerako jantziak eta oinetakoak, ekipamendua (kirolerako gai ezberdinak, bizikletak, itsasontziak...) eta eskuratutako zerbitzuak (kirola egiteagatiko ordainketak, kirolarekin lotutako jarduerengatiko ordainketak, kirol ikuskizunak,...)
- Kirol jardueren kudeatzea (ez profesionala): entitateak, elkarteak, erakundeak etab., bai sektore publikoaren aldetik bai pribatuaren aldetik.
- Kirol jarduera profesionalaren kudeatzea: elkarteak, txapelketak, zirkuituak...
- Kirol jardueraren zabaltzea: babestea, komunikabideak, argitalpenak, multimedia edukiak,...

Donostiaren kasuan, kirolaren garapenerako leku aproposa bihurtzen da hainbat arrazoiengatik, hala nola: kirolerako ohitura handia, kirola egitearen hedadura, ekipamendu hornidura anitza eta kalitatezkoa, antolamendurako gaitasuna eta hiriak eta Gipuzkoako lurraldeak eskaintzen dituen baldintzak. Aurrez aipatutako arrazoi hauei beste alderdi batzuk ere erantsi dakizkieke, esate baterako: ikerketak, enpresa berriak, prestakuntza, talde espezifikoentzako kirol jarduerak, ikuskizunen eta batzarren antolamendua...)

Bukatzeko, Gipuzkoan kirolak duen garrantziaren isla diren zenbait adierazle aipa daitezke.

Gipuzkoako kirol federazioetako lizentzia kopurua ia 74.000ra iristen da 2000. urtean, eta lizentzia gehienak senior mailakoak dira.



1. LAN AGIRIA

1.1. Taula Gipuzkoa. Kirol Federazioen Lizentziak

mailak	Lizentzien zenbatekoa
kadeteak	7.268
Gazteak	6.077
Juniorrak	1.866
Seniorrak	44.637
Teknikariak	1.775
Epaileak	1.356
Besteak*	10.726
GUZTIRA	43.715

* Jolas Kirola barne

Iturria: Kirol Federazioetatik jaso (2000ko datuak).

Lizentzia gehien dituen federazioa ehizakoa (13.364), honen atzetik daude: mendikoa (10.364), futbolekoa (9.060), areto-futbolekoa (7508) eta txirringularitzakoa (3.597).

Era berean, kirol estatistikek (EUSTAT, 2001eko abendua, 1998ko datuak) Gipuzkoako kirolari buruzko informazio zabala eskaintzen dute. Informazio horretatik zenbait datu aipagarri atera daitezke:

Kirol instalazioen kopurua 161ekoa da; federazio eta kirol elkarteena, berriz, 85ekoa da. Arlo horretan lanean ari direnak 1.500 lagun inguru dira (%58 boluntario izanik). Sektorearen gastu osoa 70.000 euro ingurukoa da.

1.2. Taula. Kirolaren estatistika Gipuzkoan. Datu garrantzitsuenak.

	KIROL INSTALAZIOAK	FEDERAZIOAK ETA KIROL ELKARTEAK	GUZTIRA
Zenbatekoa	161	85	246
Gastu osoa (milaka euro)	26.750	43.969	70.718
Langileak.....	279	350	629
Langile boluntarioak.....	29	829	858
Gastu osoaren finantzamendu publikoa (%)	33	7	17
Gastu osoaren salmentakako finantzamendua (%)	45	70	61

Iturria: EUSTAT, kirolaren estatistika (2001eko abendua).1998ko datuak.